

uatis Prouincialibus in ordine Minorum, quia sic declarauit Reuerendissimus pater frater Franciscus de Angelis Minister Generalis in Capitulo prouinciali prouincie Castellę Toleti celebrato, anno Domini. 1524. Et confirmat eiusdem Leonis declaratione. Sed art. 12. dicit, q̄ virtute primæ concessionis Leonis. 10. quatuor absolutiones plenarias concedentis, credit, cōfessores prædictos posse absolvere religiosos à casibus Papę reseruatis, & per consequens ab ex communicationibus, ipsi reseruatis: cum in ea concedat, q̄ ea plenitudine eos possint absolvere, & illi statui innocentie restituere, qua sanctitas sua faceret, si ipsamet in Confessione eorum auscultaret peccata. Quæ verba maximam habent emphasim, & efficaciam tantam, vt credat prædictus auctor, vt dictarum absolutionum virtute religiosos contritos, & debitè confessos non solum liberari ab omni culpa: sed etiam ab omni pœna peccatis debita. Hoc enim significat status innocentie, cui per absolutionem ipsi restituuntur. Si autem inquiras, vtrum virtute prædictarum concessionum possint Confessores dispensare cum religiosis in irregularitatibus? Respon